

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XXXVI No. 24
Disyembre 21, 2005
www.philippinerevolution.org

Editorial

Kaptan ang inisyatiba, isulong ang armadong rebolusyon


Ginakalipay sang pumuluyong Pilipino ang pangkabilugan nga pagpagsik sang mga taktikal nga opensiba sang Bag-ong Hangaway sang Banwa (BHB). Ang pagbwelo sang armadong rebolusyon kag ginpakita sini nga ikasarang ilabi na sa nagligad nga tatlo ka bulan malakip sa pinakatampok kag mayor nga mga kadalag-an sang rebolusyonaryong kahublagan subong nga tuig.

Ang daku nga pagsulong sang rebolusyonaryo nga armadong paghimakas sa mga nagligad nga bulan resulta sang hugot nga pagsabat sang mga kumand sang BHB sa panawagan sang Partido Komunista sang Pilipinas nga kaptan ang inisyatiba kag maglunsar sang mga taktikal nga opensiba. Katuyuan sini nga patampukon ang rebolusyonaryo nga armadong pagbatu bilang sabat sa pagsulong sang militante nga hayag nga kahublagang masa para sa pagpatalsik sang rehimeng US-Arroyo kag i-abante ang inaway banwa sa masunod nga mas mataas nga halintang sa sulod sang estratehikong depensiba.

Base sa ikasarang sang nagkalan-lain nga kumand sang BHB, nakalunsar ini sang madamo nga dalagku kag magagmay nga taktikal nga opensiba nga nagtuga sang daku nga kabilugan nga kahalitan sa mga pasista nga armadong tropa kag iban pa nga malain nga elemento, ilabi na

sa mga masupog kag mabug-at nga krimen sa pumuluyo. Madaku-dako nga numero sang mga armadong tropa sang AFP kag Philippine National Police (PNP) ang napapas sa kabilugan nga mga taktikal nga opensiba nga ini. Pila ka pulo nga mabaskog nga hinganiban ang naagaw agud armasang ang mga Pulang hangaway kag pabaskugon pa ang hangaway sang banwa.

Ang nagakatabo nga pagsikad sang mga taktikal nga opensiba nagapahak sa propaganda nga pilit ilaragway sang AFP-PNP nga lipas ukon ginakapos na ang BHB. Ang pagpagsik sang armadong paghimakas,



***Mga tampok sa
isyu nga ini...***

**195 taktikal nga
opensiba sa sulod sg
tatlo ka bulan** PAHINA 3

**Paglubid sg mga
sugilanon ni Garci**
PAHINA 6

**Ang "Radyo Ang
Bayan" sa Samar**
PAHINA 10

ang opensibong postura sang hangaway sang banwa kag ang mga naangkon sini nga kadalag-an sa mga ginalunsar nga taktikal nga opensiba nagapataas sang mapang-away nga diwa, militansya kag kapasidad sang mga Pulang hangaway kag pumuluyong Pilipino sa armadong paghimakas.

Ang madinalag-on nga taktikal nga opensiba nga ini amot sang mga rebolusyonaryo nga armadong pwersa sa paghimakas sang pumuluyong Pilipino batuk sa papet, buyong, mapaniplang, brutal kag garuk nga rehimeng US-Arroyo. Paagi sang madamuan nga pagbunul sa pangunahong haligi sini, mabaskog nga kahalitan ang ginabatyag sang ginakangil-aran nga rehimeng US-Arroyo. Nadunganan sang mga taktikal nga opensiba nga ini ang kampanyang masa para sa pagpataalsik sa rehimen kag ginasabat ang hugot nga kagustuhan sang pumuluyong Pilipino nga silutan ang rehimeng US-Arroyo sa dalagku nga kasal-anan sini sa banwa. Ginapatampok sang mga opensiba nga ini ang rebolusyonaryo nga armadong paghimakas kag paghatag-inspirasyon sa pumuluyo nga baktason ang dalan sang armadong pagbatu.

Nakadiskaril kag nakapanamad ang mga taktikal nga opensiba sang BHB sa kampanyang pagpangtapna sang rehimeng US-Arroyo sa mga rebolusyonaryong erya sa kaumhan. Bunga sini, naangkon sang mga yunit sang BHB ang mas daku nga ligwa sa pagpalapad kag pagpalig-on sang mga prente, sona kag baseng gerilya kag pagpasulong sang nagkalain-lain nga rebolusyonaryong hilikuton sa kaumhan.

Luwas sa nahimutig ang pagpahambog sang kaaway nga nagmadinalag-on sila sa kampanyang pagpangtapna, ang mga kahalitan nga padayon ginabaton sang mga pwersa sang kaaway sa atubang sang sunod-sunod kag tampok nga madinalag-on nga taktikal nga opensiba sang BHB nakapalala sa demoralisasyon, dibisyon kag pagkatublag sa sulod sang AFP-PNP, ilabi na sa kubay sang mga bataon nga upisyal kag ordinaryong suldaado. Isa man ka paktor sa pagdamo sang mga AFP-PNP batuk sa ginasihum nila nga iligal nga *commander-in-chief*. Bilang kabahin sang pagtinguha sang mga rebolusyonaryong pwersa nga iduso ang disintegrasyon sang mga armadong pwersa sang estado, aktibo nga na-


kaangot, nakipag-alyado, nakapamuklat kag nakapag-organisa man ang Partido, BHB kag iban pa nga rebolusyonaryong pwersa sa nagkalain-lain nga bahin sang reaksyunaryong hangaway.

Ang bwelo sang mga taktikal nga opensiba sa nagligad nga tatlo ka bulan nagahatag sa madamo nga rehiyon kag prenteng gerilya sang BHB sang manggaranon nga eksperensya kag malahalon nga positibo kag negatibo nga leksyon sa pagpauswag sang koordinado nga pagpakig-away gerilya lunsay sa lebel sang malapad nga sakup sang pagplano, kag sa pagpatuman sang mga plano sa lebel sang operasyon kag sa lebel sang inaway.

Paagi sang pagduso sang mga taktikal nga opensiba, ang nagligad nga huyog sang konserbatismo militar pursigido nga ginpangibabawan.

Sa madamo nga leksyon nga natun-an sa mga inagihan nga ini, lakip sa mga pinakamalahalon ang masunod: agud sistematiko nga makaptan sang BHB ang inisyatiba sa gera, kinahanglan ang malaparan nga sakup sang pagplano sang mga koordinadong operasyon sang BHB, halin sa lebel sang rehiyon tubtub sa prente. Sa amo nga pamaagi, matupungan kag masamad ang pagkapot sang kaaway sa inisyatiba kag mga plano sini sa amo man nga sakup.

Para diri, malahalon nga natun-an ang konsepto kag kabilugan nga plano sang kaaway kag ang pagpartikularisa sini sa lebel sang rehiyon tubtub prenteng gerilya agud antes pa man nila mapatuman, naanalisa kag nahandaan na naton ang ila mga tikang. Sa bulig man sang nagapadayon nga hilikuton intelid-yens matuki naton ang bukas kag mahina nga latag kag hulag sang kaaway kon sa diin relatibo halog na makahulag ang BHB kag mahimuslan ang mga bulnerable nga bahin sang kaaway.

 <p>Tuig XXXVI No. 24 Disyembre 21, 2005</p> <p>Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa Philippine Revolution Web Central nga makit-an sa:</p> <p>www.philippinerevolution.org</p> <p>Nagabaton ang <i>Ang Bayan</i> sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: angbayan@yahoo.com</p>	
<p>Kaundan</p>	
Editoryal	
Kaptan ang inisyatiba, isulong ang armadong rebolusyon	1
Madinalag-on nga TO	
Sa nagligad nga tatlo ka bulan	3
Pinaka-ulihni nga TO	4
Wala sg untat-linupok sa Paskua	5
Paglubid sang mga sugilanon ni Garci	6
Bagsak ang grado ni Arroyo	7
Kumperensya bahin sa malarya	8
Programa bauk sa malarya	9
Ang "Radyo <i>Ang Bayan</i> " sa Samar	10
Sa luwas sang pungsod	
Naghahiliugyong prente sa Nepal	11
Kadalag-an batuk sa WTO	12
Balita	13
<p>Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas</p>	

Kinahanglan makahimo ang mga nagapamuno nga komite sang Partido kag kumand sang BHB sa lebel sang rehiyon tubtub mga prente sang mga plano nga nagatuyo nga samaron ang kampanya sang kaaway sa lugar agd makamentenar ukon mag-angkon pa sang mas daku nga ligwa ang mga yunit sang BHB sa pagpalapad kag pagkonsolida sang mga prenteng gerilya.

Malahalon nga tubtub masaranggan kag kon wala sang iban nga malahalon nga kinahanglan pa nga ikunsiderar, antes pa man ukon samtang nagasugod pa lang magsulod, pumwesto ukon maglatag ang kaaway sa ginaplano nila nga konsentrahan nga prente, sona ukon baseng gerilya aktibo nga mabira na ini. Sa sini, magamo ang plano nila sa lugar kag mamentenar sang BHB ang malapad nga inisyatiba.

Tuman kaimportante nga hugot nga ginakoordinar sang mga nagapamuno nga komite sang Partido sa rehiyon tubtub sa prente ang mga plano nga pulitiko-militar kag pati ang mga plano nga organisasyunal. Ang mga plano militar malahalon nga nagadala kag nagaamlig sa mga plano pulitikal kag organisasyunal, lakip ang pagpalapad kag pagpalig-on sang baseng masa sa kaumhan, pagpasulong sang rebolusyong agraryo kag iban pa nga kahublagang masa, pagasikaso sa mga hilikuton sa kabanwahanan, pagpasulong sang mga hilikuton edukasyon kag propaganda, pagtukod kag pagpalapad sang rebolusyonaryo nga nagahiliugyong prente, pagpabakod sang Partido kag hangaway sang banwa, kag iban pa. Amo man, ang mga plano pulitikal kag organisasyunal malahalon nagasuporta kag napabaskog sa mga plano militar.

Sa muklat nga pagplano, pagpreparar kag paglunsar indi lang sang paisa-isa nga taktikal nga opensiba, kundi sang mas malapad kag koordinado nga mga plano pulitiko-militar, malikawan sang BHB ang mangin pasibo sa atubang sang malapad kag nagapadayon nga mga operasyon kag kampanya militar sang kaaway. Sa pagkapot sang malapad nga inisyatiba, makuha sang BHB sa AFP ang ligwa kag kahigayunan nga lubos nga hilway makahari kag makapanghalit, samtang nagamentenar ang BHB sang mas daku pa nga ligwa nga maghulag sa mga prente, sona kag baseng gerilya.

Sa kabilugan, sa bulig sang mapagsik nga bwelo sang mga taktikal nga opensiba sang BHB sining ulihi nga tatlo ka bulan, napataas ang ikasarang sang mga yunit sang hangaway sang banwa sa paglunsar sang mga taktikal nga opensiba, pagkoordinar sang mga operasyon sang BHB sa nagkalain-lain nga lebel, kag tanan nga bahin nga pagsulong sang armadong paghimakas, rebolusyong agraryo, kahublagang masa, pagtukod sang rebolusyonaryong base, kag nagahiliugyong prente. AB



Sa sulod sang tatlo ka bulan

Madinalag-on nga taktikal nga opensiba kag iban pa nga aksyong militar sa bilog nga kapuluan

Nakalunsar ang Bag-ong Hangaway sang Banwa sang masobra 195 taktikal nga opensiba kag iban pa nga aksyong militar sa nagkalain-lain nga bahin sang pungsod halin Setyembre 13 tubtub Disyembre 16 subong nga tuig, suno sa inisyal nga mga report. Ang dalagku nga numero nga ini resulta sang matutom nga pagsunod sang BHB sa panawagan sang Partido Komunista sang Pilipinas sining Setyembre nga kaptan ang inisyatiba kag ilunsar ang mga taktikal nga opensiba.

Indi magnubo sa 108 ka mabaskog nga riple kag pistola ang nadugang sa arsenal sang Pulang hangaway halin sa mga aksyong militar sa panahon nga ini. Luwas pa ini sa naagaw nga mga linibu-libo nga bala kag iban pa nga kagamitan militar.

Naglab-ot sa masobra 230 ka militar, pulis kag mga armadong operatiba sang kaaway ang napatay sa panahon nga ini kag masobra 144 naman ang napilasan. Lima ka isganang nagkaupod ang nagbuhi sang kabuhi sa nasambit nga mga inaway.



Sa mga opensiba, indi magnubo sa 18 ka reyd ang nalista samtang nakalista naman sang indi magnubo sa 17 nga ambus batuk sa kaaway. Indi magmenos sa 70 ang operasyong harasment sa militar kag pulisya. Samtang, nalista ang 10 isnayping, pito nga agaw-arms kag tatlo nga pagdisarma.

Lakip sa pinakatampok nga madinalag-on nga ambus ang ginhimo sang Benito Tesorio Command sa Jones, Isabela sining Disyembre 15 kon sa diin 20 ka suldado ang napapas kag madamo ang napilasan. Tampok man ang ginhimo nga ambus batuk sa 45th IB sa Echague, Isabela sadtong Septyembre 22 kon sa diin 27 ka suldado ang napapas kag ang paglambat batuk sa 1st Scout Ranger Battalion kag 47th IB sa Calinog, Iloilo sadtong Nobyembre 19 kon sa diin napulo ang napatay kag 25 ang napilasan.

Lakip man sa madinalag-on nga reyd ang ginhimo sadtong Oktubre 15 sa isa ka detatsment sang 78th IB sa Tuburan, Cebu kon sa diin naagaw ang apat ka M16 kag apat ka M14 kag napatay ang tatlo ka suldado; kag ang ginhimo sining Disyembre 5 sa isa ka detatsment sang PNP sa Bato, Camarines Sur kon sa diin nakumpiska ang lima ka M16, isa ka M14 kag tatlo ka pistola, kag napatay ang duha ka pulis kag napilasan ang tatlo pa. Sa amo man, maayo nga nalunsar nga wala sang lupok nga reyd sadtong Nobyembre 11 sa kwartel sang pulisya sa Quezon, Bukidnon kon sa diin anum ka M16 kag lima ka nagkalain-lain nga klase sang pistola ang naagaw kag sadtong Nobyembre 8 sa isa ka detatsment sang 101st PMG-PNP sa Tagum City kon sa diin naagaw ang tatlo ka M16, isa ka M14, isa ka shotgun kag duha ka pistola.

Sa inisyal nga report nga kapot sang AB, pinakamadamo ang naagaw nga armas sang BHB sa South-

ern Mindanao (29), North Central Mindanao (28), North Eastern Mindanao (21) kag Central Visayas (16).

Halin Enero tuhtub Agosto naman, nabalhag sa AB ang 43 taktikal nga opensiba kag iban pa nga aksyong militar. Sa mga ini, 16 ang ambus, siyam ang reyd, anum ang operasyong harasment, duha isnayping, duha pagdisarma, tatlo pagsilut kag iban pa. Halin sa mga taktikal nga opensiba sa mga bulan nga ini, nakaagaw sang 97 baril. Napatay ang indi magnubo sa 154 kaaway kag napilasan ang indi magkubos sa 84. Anum ka Pulang hangaway ang napilasan.

Pila sa pinakamatingkad nga opensiba nga ginlunsar sadtong Hunyo 3 sa Tubo, Abra kon sa diin naagaw sa isa ka reyd ang 30 ka mabaskog nga armas kag napilasan ang 3 suldado kag 4 nga elemento

sang CAFGU; kag ang ginlunsar sa istasyon sang PNP sa Magpet, North Cotabato sadtong Hunyo 26 kon sa diin naagaw sa wala lupok nga reyd ang 24 nga armas.

Bisan sa kahimtangan nga dependsibo, naagaw gihapon sang BHB ang inisyatiba kag napadaug ang inaway. Subong nga tuig, nakalista ang AB sang apat nga kaso sang dependsiba nga napadaug kon sa diin nakaagaw sang duha ka baril, napatay ang napulo ka suldado kag napilasan ang pito pa.

Bisan ang ginplano na nga ambus sang kaaway batuk sa BHB nahimo nga target sang opensiba sang BHB. Sadtong Nobyembre 27, nagkontra-ambus ang mga Pulang gerilya sa pusisyon pang-ambus sa isa ka platoon sang Bravo Coy sang 21st IB sa Ababaan, Binalbalan, Kalinga. Tatlo ka suldado ang napatay. **AB**

24 tropa napapas sa Cagayan Valley

INDI magnubo sa 23 ka suldado sang 45th IB kag 51st Reconnaissance Coy ang napapas sa magkasunod nga pagpang-atake sang mga gerilya sang Benito Tesorio Command sang BHB sa banwa sang Jones, Isabela sining Disyembre 15.

Tatlo ka suldado ang una nga napatay sang ginharas sang mga Pulang hangaway ang kampo sang Philippine Army sa Barangay Linumot, Jones.

Sa tuyo na makabawi sang inisyatiba, naglunsar sang "hot pursuit operation" ang tingub nga pwersa sang duha ka yunit militar. Pero nagkadto lamang ini sa kapaslawan sang lambatan sila sang BHB sa Barangay Santa Isabela. Mas o menos 20 ang napatay sa kaaway kag madamo ang mga napilasan.

Ginharas man sang mga Pulang hangaway sa sina man nga adlaw ang detatsment sang Citizens Armed Forces Geographical Unit (CAFGU) sa Barangay San Jose, San Mariano, Isabela.

Sa Cagayan, isa ka suldado ang napatay kag di maisip ang mga napilasan sang maglunsar sang operasyong isnayping sadtong Disyembre 12 ang isa ka tim sang BHB batuk sa 18-katawo nga Reengineered Special Operations Team (RSOT) sang 17th IB nga naka-istasyon sa Barangay Conig, Gattaran.

Sadtong Nobyembre 24, gingamu sang isa ka yunit sang BHB ang kampo sang 17th IB sa Barangay Ibulo, Baggao. Antes sini, gin-sunog naman sang mga gerilya ang kampo sang ginkangil-aran nga 17th IB sa Barangay Bural, banwa sang Rizal. **AB**



10 armas nakumpiska sang BHB sa despotiko nga asendero sa Leyte

NAPULO ka nanari-saring kalibreng armas ang nakuha sang mga hang-away sang Mt. Amandewin Command sang BHB sa Leyte sang disarmahan sini ang isa ka despotiko nga agalon nga mayduta sa banwa sang Tabango sadtong gab-i sang Disyembre 14. Lakip sa naagaw nga mga armas halin kay George Aznar kag apat ka *goons* sini ang duha ka M16, isa ka karbin, isa ka Ingram *pistol machine*, isa ka pistolang 9 mm, tatlo ka .38 rebolber, isa ka ripleng .22 kag 902 ka nagkalain-lain nga klase sang bala. Nakumpiska man ang tatlo ka radyong VHF kag duha ka *cellphone*.

Nagaserbi nga paandam kay Aznar ang operasyon nga ini. Ang despotiko nga daku nga agalon nga mayduta ang nagapanag-iyang sang masobra 2,000 ektarya nga kadutaan nga natamnan sang niyog kag nagasakop sa mga baryo sang Catmon, Manlawaan, Tugas kag Poblacion Tabango.

2 upisyales sang Philippine Army napatay sa ambus sa North Cotabato

ISA ka major kag isa ka tinyente sang Philippine Army ang nalakip sa tatlo nga napatay sang malukpan sang *command-detonated land mine* ang ginasakyan nila nga siksabay sadtong Disyembre 15 sa banwa sang Tulunan, North Cotabato. Naglab-ot sa 20 ang isip sang napilasan nga mga tropa sang militar.

Ginkilala ang mga upisyal nga sanday Major Ledo, Executive Officer (Ex-O) sang 39th IB kag Lt. Sulas sang 54th Engineering Brigade. Sakay sila sa isa ka siksabay nga nagalakbay sa likod sang mga nagalakat nga suldado. Nagtupad sa land mine ang trak sang likawan sini ang isa ka dako nga bato nga nakaabang sa dalan.

Sa iban nga bahin sang pungsod

Sa Camarines Norte. Ginsalakay sang mga partisano sang BHB sadtong gab-i sang Disyembre 16 ang isa ka safehouse sang militar kag napatay si Sgt. Mario Jakosalem, operatibang paniktik sang 31st Infantry Battalion sa Barangay Poblacion, Capalonga.

Sa Bulacan. Duha ka tropa sang PNP Special Action Force kag isa ka suldado sang 23rd Reconnaissance Coy sang Philippine army ang napatay sang makaengkwentro nila ang mga gerilyang BHB sa San Jose del Monte City sadtong Disyembre 11. Ang gintingub nga mga pwersa sang militar kag pulis nagatigayon sang "training mission." Pagsulod sa Sityo Ilas, Barangay San Isidro, ginsug-alaw sila sang pupok sang mga Pulang hangaway.

Sa Davao del Norte. Apat ka suldado sang Philippine Army ang napapas sa pagpanglambat sang mga partisano sang BHB sa Tagum City sining Disyembre 20. Ang mga kaswalti kalakip sa Operational Control Unit sang 404th Ibde. Nagalabay sa merkado ang ila salakyan militar sang ambuson sila sang BHB. AB

Wala sang untat-linupok sa tunga sang mga pasistang atake sang rehimeng US-Arroyo

WALA sang makit-an nga basehan ang Partido Komunista sang Pilipinas kag Bag-ong Hangaway sang Banwa (BHB) agud magdeklarar sang untat-linupok sa maabot nga Paskua kag Bag-ong Tuig.

Sa atubang ini sang wala hawid nga pag-atake sang mga pwersa militar kag iban pa nga armadong gaway sang rehimeng US-Arroyo sa mga di-armado nga sibilyan kag pagbastos sini sa sugilanon pangkalinungan.

Ang indi pagdeklarar sang untat-linupok subong nga tuig pagsabat sa hugot kag malapad nga kagustuhan sang pumuluyong Pilipino nga dugang nga bunalan sang BHB ang labaw ginakaugtan nga rehimeng US-Arroyo agud itulod pa ang pagkadugmok sini. Ginakumparar sang PKP ang subong nga sitwasyon sa panahon sang bisperas sang pagpatalsik sa rehimeng Estrada.

Tubtub sining nagligad nga inadlaw, wala untat

ang kampanya sang pagpamatay sang rehimeng US-Arroyo sa mga aktibista kag lider sang mga demokratikong organisasyon. Ang numero sang mga ginpatay sang rehimeng US-Arroyo sining nagligad nga 10 bulan nagalab-ot na sa 110 matapos patyon ang apat pa ka aktibista sining Disyembre 16 sa Central Luzon. Nagapadayon man ang mga pagpanghalit kag mapang-abuso nga operasyong militar sa nagkalain-lain nga bahin sang pungsod.

Ginapagguwa sang AFP nga magasunod sila pananglitan magdeklarar ang gubyrno sang unilateral nga untat-linupok. Pero sa bilog nga kasaysayan sang ila mga unilateral nga untat-linupok, wala nagauntat ang ila mga operasyong militar. Sa aktwal, wala sing kinalain sa ila kon may ara ukon wala sang untat-linupok. AB

Nagalaba ang paglubid sang sugilanon si Garci

Wala sang ginasugid nga matuod, ni bag-o, si anay COMELEC Commissioner Virgilio Garcillano sa labaw nga ginabantayan nga pag-atubang niya sa Kongreso sadtong Disyembre 6 kag 13. Wala siya nagapulu-pamisok sa pagbinutig kag paliwat-liwat nga nagabalibad nga sabton ang mga pamangkot nga nagatumod sa lapnagon nga pagdinaya sadtong nagligad nga eleksyon.

Masnahon katama ang pilit nga pagpanabon ni Garcillano sa kama-tuoran. Siling niya, kis-a lang niya nasugilanon si Gloria Arroyo kag wala sila sang ginhambalan nga pagdinaya, baliskad sa narekord sa teyp nga di magkulang sa 15 beses nga gintawgan siya ni Arroyo kag lunsay pagdinaya ang ila ginhambalan.

Ginapagguwa man ni Garcillano nga wala siya magguwa sang pung-sod sa pihak sang dokumento halin sa gubyrno sang Singapore nga nagapakita nga naghugpa didto si Garcillano sadtong Hulyo 14 sakay sang isa ka Subic Air Learjet kag naglupad masunod nga adlaw pakadto sa London, UK. Sang ginhingyo sang Kongreso ang pasaporte niya, naglab-ot sang masobra isa ka simana antes niya ini ihatag agud pagguwaon ini nga wala marka sang pagsulod kag pagguwa niya sa Singapore. Ginbulgar ni Sen. Lacson nga ang pasaporte "gin-ayos" ni PNP Senior Superintendent kag CIDG-NCR Director Asher Dolina.

Pareho sang iya pamahog, nagpagguwa siya sang listahan sang mga kandidato nga kadam-an oposisyunista, nga kuno nagatawag ukon nakigkita sa iya sadtong tion sang eleksyon 2004. Ginpangin-wala sang mga ginhingadlan ni Garcillano ang mga ginhambal niya. Ang iban nagbalibad nga nagtawag, ang iba nag-

balidad nga kilala si Garcillano kag ang iban naman nagbalibad nga nagpangayo sila sang ano man nga pabor kay Garcillano.

Doble ang katuyuan ni Garcillano diri: ipabutyag nga ang oposisyon imbolbado man sa mahigko nga eleksyon. Ukon, kon magbalibad man sila nga may malain nga tuyo sa pagtawag kay Garcillano, masuportahan ang rason ni Gloria Arroyo nga ang pagtawag niya sadto kay Garcillano wala sing ano man nga kahilabtan sa pagdinaya sa eleksyon.

Sa pag-atubang kag pagtestigo niya sa Kongreso, sa baylo nga isara ang halambalanon sang pagdinaya ni Arroyo sa nagligad nga eleksyon, labi lang nga nagkumpirmar sa lapnagon nga pagpati nga nakighimbon siya kay Arroyo agud manipulahon ang resulta sang nagligad nga eleksyon.


Samtang, sa pareho na pagbista sa Senado bahin sa "Gloria-Garcia tape," boluntaryo nga nag-atubang si Marrietta Santos, isa sa mga kerida ni Sgt. Vidal Doble-isa ka tinawo sang Intelligence Service of the Armed Forces of the Philippines (ISAFP) nga kabahin sa grupo nga nagtigayon sang *wiretapping* kanday Garcillano kag Arroyo. Suno kay Santos, siya mismo ginapasulod ni Doble sa sulod sang "Blue Room" kon sa di-in didto ang mga kagamitan sang ISAFP para sa pagpaniktik sa mga *cellphone*. Ginhingadlan niya ang pinuno kag iban pa nga elemento sang ISAFP nga kabahin sa grupo ni Doble.

Ginsugid kuno sa iya ni Doble nga kabahin sa mga ginapamatian nila ang pagsugilanon nanday Garcillano kag Gloria Arroyo. Gindugang ni Santos nga ang mga "Gloria-Garci tape" hungod-sa-buot nga ginbaligya ni Doble kay Samuel Ong. Baliskad ini sa akusasyon nga "pwersahan nga detensyon" nga ginaakusar sang rehimeng Arroyo kay Ong. Si Ong ang anay Deputy Director sang National Bureau of Investigation nga nag-ako sadtong Hunyo nga kapot niya ang tanan nga tape nga nagaunod sang mga pagsugilanon ni Garcillano. Tuman nga ginabalibaran naman sang mga upisyal sang ISAFP nga

imbolbado sila sa *wiretapping*. Siling nila, wala sila sang kagamitan para sa pagmonitor sang *cellphone*. Nagabalibad man ang mga ini nga magtestigo sa Senado sa pihak sang mandu sang mga lehislador nga mag-atubang sa mga pagbista didto.

Nagadaku nga litik sa kubay sang militar

Liwat nga nabuhi ang multo sang pag-alsa militar sang natabo ang nanari-sari nga paghulag sang



pila ka tropa sang militar sa Metro Manila sadtong Disyembre 11. Bisan pa ginahimutig sang Malakanyang nga may yara nga pamahog nga kudeta, nag-alerto ang bilog nga AFP kag PNP sa Metro Manila kag hugot nga nagabantay sa hulag sang mga suldado kag pumuluyo paagi sang pagbutang sang pasaylu-saylo nga mga tsek-poynt sa sentrong syudad. Apat nga mas bata upisyal ang gin-aresto kag gin-interogar. May gintumod man nga isa ka heneral kag apat nga koronel, lakip ang duha ka upisyaless sang PNP nga imbolbado kuno sa isa ka tuyo nga kudeta sadto tani nga Disyembre 12.

Antes sini, kaaganhon sang Disyembre 6, ginpaulanan sang بالا ang Lourdes Tuason-Arroyo (LTA) Building, isa ka bilding nga ginatag-iyahan sang pamilya Arroyo sa Makati City. Sa LTA naga-upisina ang ginatawag nga "The Firm," isa ka kumpanya sang mga abogado nga ginapamunuan ni Mike Arroyo kag ginapugaran sang mga opereytor sang pamilya Arroyo sa pagpangurakot kag pagdinayaay.

Pila ka oras lang matapos ini, alagisod nga ginpalukpan sang mahina nga eksplosibo ang atubang sang balay ni Rep. Ronaldo Puno, kilala nga opereytor ni Mike Arroyo; ang salakyan sang anay upisyal sang COMELEC nga si Roque Bello sa atubang sang ginatag-iyahan niya nga Ernest Printing Press sa Caloocan; kag ang atubang sang Rounce Printing Press sa Parañaque. Sa duha ka imprenta ginareport nga gin-imprenta ang sobra nga *electoral returns* nga ginagamit ni Arroyo sa iya pagdinaya.

Ang mga ini gilayon nga ginako sang Enlightened Warriors, isa ka grupo sang mga suldado nga nagpahayag sang handa maghulag para mapukan na si Arroyo. Suno sa pahayag sang nagpakilala nga Miguel Alonzo, ang ila ginahimo pandam sa tanan nga mga "butigon,

Bagsak ang grado ni Arroyo pati sa luwas sang pungsod

Bagsak na gid ang rehimeng Arroyo pati sa panan-awan sang iban nga pumuluyo sa kalibutan. Sa sarbey nga may titulo Freedom in the World nga ginpagguwa sining Disyembre 19, ang Pilipinas sa idalum sang rehimeng Arroyo nahulog sa kategorya nga "indi lubos nga libre" halin sa anay "libre." Ang sarbey nga ginhimo sang Freedom House, isa ka grupo sang mga abogado sa tawhanong kinamatarung.

Nalakip ang Pilipinas sa apat nga pinakanubo sa kategorya nga "indi lubos nga libre" upod ang Afghanistan, Singapore kag Thailand. Sa tanan nga pungsod, pinakamadasig ang pagtibusok sang kategorya sang Pilipinas. Gintumod nga ang pangunahon nga paktor sa sin-ing pagtibusok amo ang mga kontrobersya sa pagdinaya sa eleksyon, korapsyon kag represyon sa oposisyon kag iban pa nga nagaprotesta.

Suno naman sa World Economic Forum, sa tanan nga pungsod nga ginsarbey nila, pinakamunubo ang pagsalig sang publiko sa pagpamuno ni Gloria Arroyo. AB

manugloko kag makawat." Ginsiling nila nga ang mga atake nga ini simbulong sang lapnagon nga disgusto kag kaakig sang mga suldado sang AFP batuk sa mga di lehitimo kag korap nga rehimeng Arroyo.

Sini naman nga Disyembre 14, nagpalagyo halin sa detensyon si Marine Capt. Nicanor Faeldon, isa sa mga nahunong nga yabing lider sang grupo Magdalo. Suno sa iya ginbiling nga pahayag, labi lamang nga ginapamatud-an ni Arroyo nga husto ang ila ginapakig-away sang mag-alsa sila sadtong Hulyo 2003. Siling ni Faeldon, nalagyo siya agud magpartisipar sa pagpakig-away para pukanon ang gubyrno ni Arroyo kag suportahan ang matukod nga gubyrno nga pangtransisyon. Ginapakita sini nga nagapabilin nga nagabato ang grupo Magdalo, sa pihak sang paissa-isa nga nabakal kag napabaliskad sang rehimeng Arroyo.

Litik sa kubay sang kampo Arroyo

Malaparan nga pagpakamalaut ang nagsug-alaw sa rekomendasyon nga *transitory provision* (probisyon nga pangtransisyon) sang Constitutional Commission (Concom), isa ka grupo nga ginatukod ni Arroyo

agud magplastar sang borador sang mga dugang sa konstitusyon. Labaw nga ginkaakig sang kadam-an ang kaundan sang *transitory provision* nga nagasaad nga indi nga hawatong ang eleksyon sa 2007, kag sa baylo, tanan nga napilian nga upisyaless sang gubyrno—halin presidente tubtub upisyal sang barangay—awtomatiko nga madugangan sang tatlo pa ka tuig sa poder. Ang mga kongresman kag senador awtomatiko nga magapungko gihapon bilang mga myembro sang bag-o nga tukuron nga parlamento.

Ginpakamalaut man sang madaamo ang mga probisyon nga magahatag kay Arroyo bilang presidente sang gahum nga ipaidalum sa iya poder ang sin-o man nga mapilian nga puno nga ministro.

Gintawag ni Sen. Franklin Drilon nga "hayagan nga pagpanuhol" ang report sang Concom nga tuyo magkuha sang suporta sang subong nga nakapungko nga pulitiko paagi sang promisa nga magapungko sila tubtub sa 2010.

Luwas sa mabaskog nga pagkunderan halin sa nagkalain-lain nga sektor kag halin sa oposisyon, ang rekomendasyon nga ini sang Concom

nagabunga man subong sang labi nga pagdaku sang litik sa sulod sang kubay sang kampo Arroyo. Indi mabaton bisan sang pila ka maki-Arroyo nga pulitiko ang mga baraghal nga maniobra nga ini. Luwas kay Sen. Franklin Drilon kag Francis Pangilinan sang Liberal Party, pati ang mga pareho nga partido ni Arroyo nga sanday Senador Joker Arroyo, Ralph Recto kag Richard Gordon nagapakamalaut sa rekomendasyon, bisan palareho nga magatapos sa 2007 ang termino nila sa Senado.

Pati sa sulod sang 50-katawo nga Concom, nga ginpili lunsay ni Arroyo kag anay Presidente Fidel Ramos, may banggianay sa halambalanon sang "transitory privision." Ang probisyon nga ini ang ginapamatukan sang 20 myembro sang Concom nga kadam-an mga pinili ni Ramos. Madugay na nga ginapamilit ni Ramos nga ipatuman sa 2007 ang pagbag-o sa porma sang gubyerno padulong sa sistemang parlamentaryo; kag katuwang sini, utdon ang termino ni Arroyo sa tuig man nga ina. Nagadali si Ramos nga mabayluhan si Arroyo sa poder kag basi maunahan pa siya sang oposisyon, mga progresibong grupo kag mga rebeldeng grupo militar.

Sampal lunsay sa guya nanday Ramos kag Speaker Jose de Venecia ang rekomendasyon nga *transitory provision* sang Concom. Ang duha nga pinuno sang koalisyong Lakas-CMD ang pinakamasupog nga kahimbon ni Arroyo sa halambalanon sang pagbag-o sang konstitusyon. Madugay na nga ginahanda sang Malakanyang ang pagsaylo sang mga myembro sang Lakas-CMD pakadto sa KAMPI, ang partido ni Arroyo nga ginatimon ni Rep. Ronaldo Puno, amo man ang pagpabaylo ni Surigao del Sur Rep. Prospero Pichay kay de Venecia bilang Speaker of the House. Sa sini, madulaan sang baseng suporta sanday Ramos kag de Venecia.

Ang mga maniobra nga ini sang Malakanyang ang nagasulsol sang hayagan nga aksyon batuk kay Arroyo sang mga malapit kay Ramos. Sadtong Disyembre 14, gindeklarar ni Fortunato Abat, retiradong heneral kag anay upisyal ni Ramos, ang pagtukod sang isa ka "gubernong transisyunal" upod ang iban pa na malapit kay Ramos. Mabug-at ini nga ginsugalaw ni Arroyo. Duha ka adlaw makaligad ideklarar ang "gubernong transisyunal," ginmandu ni Arroyo ang pag-aresto kag pagpasaka sang kaso "inciting to sedition" kay Abat Atty. Charlie Serapio.

Ang ini nga mga aksyon nagapanago sa mga likum nga paghanda nanday Ramos sang mas mapintas nga paagi sang pag-agaw sang gahum kon talikdan ni Arroyo ang promisa niya kanday Ramos kag de Venecia nga magbiya na siya sa 2007 kabaylo ang Cha-cha. Nagapadayon nga nagabilog ang away sa tunga nanday Arroyo kag Ramos kag mahimo nga magalupok sa palaabuton. AB



Kumperensya bahin sa malarya, ginhiwat

Pamatuod sang seryoso nga pagtinguha sang rebolusyonaryong kahublagan nga atubangon ang mga problema sa ikaayong lawas sang pumuluyong Pilipino, isa ka kumperensya medikal bahin sa pagbatu sa malarya ang ginhimo sang mga medik sang mga rebolusyonaryo nga organisasyong masa kag sang Bag-ong Hangaway sang Banwa sadtong Hunyo 2005.

Katuyuan sang Kumperensya Laban sa Malarya nga pataason ang ikasarang sang rebolusyonaryong kahublagan kag hangaway sa pagbatu kag pagdula sa balatian nga malarya. Gintambungan ang kumperensya sang mga delegado halin sa Luzon kag Mindanao.

Ang malarya isa sa pinakamamatay nga balatian sa pungsod subong. Suno sa datos sang Department of Health, padayon nga nagapanghalit ang malarya sa 61 prubinsya sa pungsod. Sa 19 nga prubinsya sa Luzon kag Mindanao, nagapadayon ang tuigan nga pagdako sang numero sang mga magabalatian sang malarya sa nagligad nga dekada. Nagalampas sa 1,000 katawo ang nalista nga biktima sang malarya sa pila ka prubinsya nga permanente ini nga nagapanghalit, pareho sang Palawan, Mindoro Occidental kag Agusan del Sur.

Ang malarya isa man sa mga balatian sa madamo nga mga Pulang hangaway sang Bag-ong Hangaway sang Banwa, ilabi na sa mga mabukid nga prubinsya kon sa diin madamu na ang ginhawan nga kagulangan (nga nagtuga sang pagkatublag sang mga lamok) kag atrasado ang pangabuhian kag kulang kaayo ang suporta sang gubyerno sa ikaayong lawas, medikasyon kag iban pa nga serbisyo sa pumuluyo.

Sa isa ka rehiyon sa Mindanao, naglab-ot sa masobra 700 halin sa kubay sang mga Pulang hangaway ang may malarya sining 2001-2005. Sa nagligad nga lima ka tuig, tatlo ka rehiyon sa Mindanao kag tatlo ka rehiyon sa Luzon ang nakaagi sang mga epidemya sang malarya

kon sa diin nabiktima ang mayorya sang platun ukon kumpanya.

Pagtumod kag pagbulong. Ginsentruhan sang kumperensya ang mga nangin problema sa pagtumod kag paghatag sang nagakaigo nga bulong sa mga lugar kon sa diin lapnagon ang balatian nga malarya. Sa nauna nga kumperensya medikal batuk sa malarya, may naisahan nga regulasyon nga dapat sundon sang mga upisyal medikal para sa pagtumod kag pagbulong sang balatian nga ini. Gintasar sang kumperensya ang mga problema nga ginaatubang sa pagpatuman sini.

Lakip sa mga ini ang husto nga pagtumod sa klase sang malarya nga may ara ang pasyente. Sa Pilipinas, mayorya sang nagbalatian amo ang dulot sang duha ka tipo sang parasito-ang *Plasmodium falciparum* (nga resulta sang 84% nga kaso sang malarya) kag *Plasmodium vivax* (nga resulta sang 14% nga kaso). May mga kaso nga kumbinasyon sang duha ka klase sang malarya ang nagaigo sa pasyente. May isa ka tipo sang parasito sang malarya-ang *Plasmodium malariae*-nga resulta sang kulang sa 1% nga kaso sang malarya sa pungsod. Makit-an ini sa pila ka lugar sa Davao Oriental.

Magkatuhay ang pagbulong sang malarya nga tuga sang *P. falciparum* kag *P. vivax*. Kon indi husto ang pagtumod sang parasito nga nagatuga sang malarya sa isa ka pasyente, indi mangin santo ang pagbulong. Ang pamaagi sang husto nga pagtumod sang parasito amo paagi sang pagkuha sang dugo (*blood smear*) kag pag-eksamen sini sa mikroskopyo.

Sa amo man, may mga kahigayunan nga bisan natumod na ang husto nga parasito indi gihapon ini nagakaigo nga nabulong. May mga pasyente nga wala ginakumpleto ang dosis bangud wala sang nagakaigo nga pagpaathag sa ila ang mga indi maayo nga epekto sang mga partikular nga bulong pareho

Programa batuk sa malarya

Ginbalay sa kumperensya ang isa ka programa sa pagkontrol sa malarya. Tuyo sang programa nga pataason ang kaalaman sang mga rebolusyonaryong pwersa kag sang pumuluyo bahin sa malarya agud malikawan ini kag madapatan sing nagakaigo nga tambal ang mga nagabalatian. Ang masunod amo ang mga sangkap sang programa:

- malaparan nga edukasyon sa ikaayong lawas sa mga rebolusyonaryong pwersa kag masa sa mga lugar kon sa diin lapnagon ang balatian
- kahublagang masa sa porma sang kampanya sa ikaayong lawas para magpatuman sang pamugong nga tikang pareho sang madamuan nga pagtanom sang puno nga *neem*
- paggamit sang personal nga proteksyon pareho sang moskitero nga ginhuluman sa insektisidyo ukon iban pa nga pangpatay ukon pangtabog sa lamok
- gilayon, bastante kag nagasanto nga pagbulong
- gilayon nga magpakonsulta sa klinika ukon ospital sang mga pasyente nga may kumplikasyon
- paghanas sa mga medik kag komite sa ikaayong lawas sa baryo

sang paglingin.

Sa mga baryo, ginasunod sang mga upisyal medikal sang reaksyunaryong gubyrno ang daan na nga mga regulasyon. Isa ka halimbawa diri ang pagreseta sang *Chloroquine* lang para sa *P. falciparum* imbes irekomendar ang kumbinasyon sang *Chloroquine* kag *Sulfadoxine-Pyrimethamine*. May mga lugar man sa pungsod nga indi na epektibo ang ordinaryo nga bulong sa malarya.

Sa atubang sini, nakita sang kumperensya ang importansya sang madasig nga pagpalapnag sang basehang impormasyon kaangot sang malarya ilabi na sa mga lugar kon sa diin nagapabilin nga mataas ang insidente sini. Sa amo man, natumod sang kumperensya nga kulang pa ang mga ginhimo nga mga tikang.

Mga inisyal nga kadalag-an. Gindeklarar sang kumperensya nga nangin mabunga kag madinalag-on ang nalunsar nga kampanya batuk sa malarya sa kubay sang hangaway kag pumuluyo sa Cagayan Valley kag Central Luzon sa nagligad nga duha ka tuig.

Bunga sang aktibo kag maabtik nga atensyon sang BHB kag sang mga organisasyong masa, signipikante ang nangin pagnubo sang numero sang mga kaso sang malarya sa mga lugar nga ini. Madamo man sa mga nagbalatian ang husto kag maabtik nga nagabulong. Nagtaas ang ikasarang sang mga organisasyong masa sa pag-asikaso sang mga pasyente nga may malarya. Nalikawan ang pagkamatay kag mga kumplikasyon.

Sa South kag Northeast Mindanao naman, maabtik nga nasabat kag nakontrol sang mga yunit sang hangaway ang isa ka kahigayunan nga natabo ang paglapnag sang malarya sa ila kubay kag sa magkaingod nga baryo. May kampanya man sa pagsprey sang insektisidyo, paggamit sang moskitero kag pagtanum sang puno nga *neem* sa mga lugar nga ginapugaran sang mga lamok nga mahimo may dala-dala nga malarya. Epektibo nga insektisidyo ang duga sang puno nga neem kag nakatabog man sa lamok ang hamot sang mga dahon sini. **AB**

Ang "Radyo Ang Bayan" sa Samar

Ang adlaw sang Domingo sa kinaandan ginabilang adlaw sang pag-pahuway. Pero sa baylo nga magbulang, mag-inuman, magpamasar sa kabanwahanan, sa madamu nga baryo nga sakup sang mga sona kag baseng gerilya sa Samar nakaugalian na sang tagabaryo nga magtambong sa mga pulong-edukasyon, pulong masa kag iban pa nga mapuslanon nga rebolusyonaryong aktibidad pangpulitika, pang-edukasyon kag pangkultura nga ginapangunahan sang ila mga rebolusyonaryo nga organisasyong masa.

Sa mga pangmasang aktibidad nga ini ginbun-ag ang "Radyo Ang Bayan"-ang pahayagan nga *Ang Bayan* sa porma sang nakateyp nga programa pangradyo.

Ginbun-ag ang "Radyo Ang Bayan" sa pagtinguha sang mga rebolusyonaryong pwersa sa Samar nga palapnagon ang kaundan sang pahayagan sang Partido sa sitwasyon nga manubo ang literasiya sa kubay sang mga mangunguma sa madamu nga nabaw-ing nga baryo didto, luwas pa sa kakulangan ukon pagkaatrasar sang pag-abot didto sang mga gin-imprenta nga kopya sang pahayagan nga *Ang Bayan*.

Halin sa obserbasyon nga ma-

huyugon ang tagabaryo nga magpamati sa radyo ilabi na nga halos wala naman sang nagaabot nga mga pahayagang burgis sa malayo nga baryo, nabilog ang ideya nga iteyp ang pagbasa sang *AB* kag hiwaton ang mga pulong-pagpamati kag talakayan bahin sa mga kaundan sini. Gingamit sang mga kaupod nga nagahulag didto ang simple nga de-bateria nga *audio cassette recorder* para sa pagteyp.

Gin-umpisahan ini sadtong Mayo 2004 kag natigayon sang pila ka beses umpisa sadto. Pag-abot sang kopya sang *AB* sa ila lugar, gilayon ginahanda sang mga kaupod ang paghimo sang "Radyo Ang Bayan."

Sa isa ka baryo, nag-amot sang piso ang kada katapu sang organisasyon para makabakal sang mga baterya. Gamit ang *loud speaker*, ang nakateyp nga mga artikulo kag balita ginapabati sa bilog nga baryo. Nagatilipon ang tagabaryo sa isa ka lugar kag didto bilog nga hapon nila ginapamatian ang "Radyo Ang Bayan." Maukod nga ginapamatian sang tagabaryo ang bayluhanay sang mga rebolusyonaryong kanta kag sang kaundan sang mga artikulo kag balita sang *AB*. Kon kis-a ginahimo sang tagabaryo sa sentrong sityo ukon sa *barangay hall* ang pagpamati, ukon indi sa kapilya sang baryo. Samtang nagapamati ang kadam-an sang tagabaryo, nagabantay ang mga lokal nga milisya sa mga estratehikong lugar sa palibot agud mag-alerto sa baryo kon may nagapadulong nga mga militar ukon indi masaligan nga elemento.

Gusto gid sang rebolusyonaryong masa nga mabatian kag hugot nga masundan ang mga analisis kag panawagan sang Partido angot sa importante kag pinakalabas nga hitabo kag halambalanon pangpulitika, pang-ekonomya kag iban pa nga malahalon nga isyu sa pungsod kag sa kalibutan, mga balita sang paguswag sa nagkalain-lain nga rebolusyonaryong hilikuton sa nagkalain-lain nga bahin sang pungsod ilabi na kon may madinalagon nga taktikal nga opesiba.



Makaligad ang pagpamati, ginahiwat ang mga pangkultura nga palaguwaon kag hilway nga pangkabilugan nga talakayan bahin sa mga isyu nga gusto ukon nagakinahanglan pa nga pagpalawig. Kag kon may nakita nga mga tikang nga kinahanglan himuon, ginahambalan man ang mga ini.

Kis-a, halimbawa, natransporma ang pulong-pagpamati sa isa ka pulong agud preparahan ang nagahaman nga militarisasyon kag pasismo sa lugar. Gintulod ini sang pagpamati sa isa ka artikulo bahin sa militarisasyon.

Sa mga pulong pagtasar, nagtuhaw ang suhestyon nga may mga drama bahin sa ila mga problema kag rebolusyonaryong pagbatu bisan sa sini nga tipo lang sang gerilya nga "radyo," lain sa masami mabatian sa komersyal nga mga radyo.

Ang pagguwa sang "*Radyo Ang Bayan*" pagkilala nga isa ka maayo nga alagyan sang rebolusyonaryong propaganda ukon *audio* ilabi na sa mga lugar kon sa diin mada-mo gihapon ang may limitasyon sa pagbasa, kag naulihi kag kag kulang gihapon ang nagaabot nga kopya sang *AB*. Sa pagguwa sang "*Radyo Ang Bayan*," ginapakita ang determinasyon sang rebolusyonaryong kahublagan nga abuton ang malapad nga masa, pukawon sila kag pahulagon sa rebolusyonaryong banas.

Bunga sang maayo nga inisyatiba nga ini sang mga kaupod sa Samar, nagsugod man ang regular nga pagpagguwa sang nakateyp nga pagbasa sang mga kaundan sang edisyong Waray sa *AB*. Umpisa Nobyembre 7, ang mga ini yara na sa website sang rebolusyong Pilipino (www.philippinerevolution.org) para mas madasig ini makuha sang mga kaupod sa Eastern Visayas kag mapamatian sa pila ka pulo nga baryo nga nagasunod sa *Ang Bayan*. AB



Nagahiliugyong prente batuk sa monarkiya sa Nepal

Isa ka malapad nga nagahiliugyon nga prente ang gintukod sa tunga sang Communist Party of Nepal (Maoist) kag sang anum nga pangunahon nga parlamentaryong partido sa pungsod sadtong Nobyembre 17 agud bululigan ang pagtapos sa sistemang monarkiya sa idalum ni Haring Gyanendra.


Isa ka likum nga pagpulong ang ginhiwat sa tunga sang CPN (M) kag mga mayor nga parlamentaryong partido para talakayon ang pagtukod sang nakahiliugyong prente batuk sa hari kag mga plano sa untat sang gera sibil agud magum ang demokrasya kag kalinungan sa Nepal. Nanguna sa pagsugilanon amo sanday Pushpa Kamal Dahal (mas kilala bilang Kaupod Prachanda), tagapangulo sang CPN (M), kag si Girija Prasad Koirala, anay primer ministro sang Nepal kag pangulo sang Nepal Congress Party nga pinakadaku sa pungsod. Nagbalay sila sang 12 Punto sang Pagkasugot kag diri ginpabutyag ang basehan sang ila komun nga pagbato sa absolutong monarkiya.

Nagserbi nga gatong sa paghilisugot sang pito ka partido ang paglunsar ni Gyanendra sang kudeta, pagbungkag sang nagatindog nga parlamentaryong gubyrano kag

pag-imposar sang layi militar sa pungsod sadtong Pebrero 2005. Ginarason sang hari ang kakinahanglanon sang mga tikang nga ini para malutos ang inaway banwa. Mabaskog nga ginakundenar sang malapad nga pumuluyo, sang mga parlamentaryong partido sa Nepal kag sang pangkalibutanon nga komunidad ang kudeta kag layi militar kag kadungan nga lapnagon nga mga paglapas sa tawhanong kinamatarung sa pungsod.

Sa baylo nga malutos sang mabangis nga militarisasyon sang monarkiya, labi pa nga nagdasig ang pagsulong sang madugayan nga inaway banwa sa Nepal halin sang agawon ni Haring Gyanendra ang gahum. Dalagku nga bahin sang kaumhan sang Nepal ang yara subong sa Pula nga gahum pangpulitika. Solo ang kabisera na lang sang Kathmandu ang makontrol pa

sang hangaway sang hari. Sa pagpa-





muno sang CPN (M), pati ang Kathmandu paliwat-liwat nga naparalisa sang mga pangkabilugang welga. Suno sa pagtanyang sang CPN (M), sa naabot nga kusog-militar sang People's Liberation Army (PLA) nga nagalunsar sang inaway banwa sa Nepal umpisa 1996, patas na ini ikumparar sa kusog sang hangaway sang monarkiya, kag nagakina-hanglan na lang ini sang malapad nga suporta sang mga parlamentaryong partido kag sang mga nahanunga nga pwersa nga nakabase sa

kasyudaran agud lubos nga tapuson ang pagginahum sang monarkiya.

Sang una nangin masyado nga "Wala" ang pagpakigrelasyon sang CPN (M) sa mga parlamentaryong partido. Ang mga ini maki-isa nga bahin nga ginasigahum nga oportunistang kag wala ginaangutan sang CPN (M). Sa bisperang sang padayon nga pagmartsa sang CPN (M) padulong sa kadalag-an, namarasman sang partido nga sayup ang amo nga polisiya. Subong gintadlong na ining daan nga sektaryanismo kag

aktibo nga nagahimo sang mga tikang para maghiliusa sa mga parlamentaryong partido, mahabig ang tanan nga iban pa nga positibong pwersa kag lubos nga mahamulag ang awtokratikong monarkiya.

Obhetibo nga nagserbi nga maaayo nga kundisyon ang paglunsar sang kudeta sang hari para mapagpagsik ang pagkakigrelasyon sang CPN (M) sa mga parlamentaryong partido. Para labi pa nga mahamulag

Sundan sa "Nepal," pahina 13

Temporaryo nga kadalag-an sa pagpamatuk sa WTO

Gamay kag temporaryo nga kadalag-an ang naangkon sang Grupo sang 90 nga ginabug-os sang mga imol nga pungsod, lakip ang Pilipinas, sa pagpakigbato sini sa maki-imperyalistang polisiya sang World Trade Organization (WTO). Bag-o gid lang natapos ang ika-anum nga ministerial conference sini nga ginhiwat sa Hongkong sining Disyembre 11 tubtub 18. Suno kay Teddy Casino sang partido Bayan Muna, pagaatubangon pa sang mga imol nga pungsod ang isa ka daku nga away sa masunod nga pulong sang WTO sa Abril 2006.

Ginsiling ni Casino nga sa kabilugan, nakakuha ang mga imol nga pungsod sang gamay nga panahon sang temporaryo nga ginpaiway ang pagpatuman sang pila ka polisiya sang WTO nga nakasamad sa interes sang mga imol nga pungsod pareho sang "Annex C" sang General Agreement on Trade and Services.

Katuyuan sang GATS Annex C nga padasigon ang liberalisasyon sang sektor sa serbisyo nga may angot sa agrikultura-bagay nga pat-ud nga himuslan sang mga imperyalista. Daku ang nangin papel kag impluwensya sang mga tiglawas sang mga progresibong *party-list* sa Kongreso sang Pilipinas sa nangin pusisyon kag pagpadala diri sang delegasyon sang gubyerno sa WTO. Sanday Casino kag Rep. Rafael Mariano sang partido Anakpawis ang nagpungko bilang upisyal nga adbayer sa delegasyon sang gubyerno sa WTO. Sanday Rep. Satur Ocampo, Liza Maza kag Crispin Beltran naman nagpungko bilang taga-observer diri. Ginapamunuan man sang mga kongresista nga ini ang kampanya sang pagpapirma sa mga tiglawas halin sa iban pa nga pungsod para mahiusa sa komun nga pusisyon batuk sa GATS Annex C.

Halin sa umpisa tubtub sa katapusan, ang ika-

anum nga ministerial conference sang WTO wala ginuntatan sang mga aksyong protesta. Ginpartisipahan ang mga aksyong protesta sang mas o menos 10,000 katapu sang 400 organisasyon nga anti-"globalisasyon" halin sa nagkalain-lain nga pungsod kag nakapaidalum sa duha ka dalagku nga koalisyong anti-WTO-ang International League of Peoples' Struggle (ILPS) kag The World Is Not for Sale. Tampok ang pag-entra sa mga protesta sang daku nga numero sang mga Pilipino nga *domestic helper* (DH) sa Hongkong. May 1,000 DH nga myembro sang United Filipinos in Hongkong nga nagtambong sa protesta-rali nga ginlunsar sang ILPS sadtong Disyembre 17.

Sa sulod sang anum ka adlaw nga pagprotesta batuk sa WTO, tumampok ang paghimakas sang mga imol nga pungsod kag pumuluyo batuk sa imperyalista nga pagpamuyong kag gera. Wala untat nga ginbuyagyag kag ginpakamalaut sang mga demonstrador ang WTO bilang instrumento sang imperyalistang pagpamuyong. Gin-athag sa Forum on Trade and War, nga ginasakdag sang ILPS, Resist! (Resist Imperialist Plunder and War Network) kag BAYAN sadtong Disyembre 14, nga ang negosyo sa panahon sang imperyalismo nagakahulugan sang inter-imperyalista nga gera kag kolaborasyon agud madominar at masalakay sang mga imperyalista ang mga atrasadong pungsod, pareho sang Pilipinas.

Nanawagan ang Forum on Trade and War sang malapad nga anti-imperyalistang nagahiliugyong prente agud isustener ang anti-imperyalista nga paghimakas. May pagbayluhanay man sang mga panan-awan, mga inagihan, taktika kag mga porma sang organisasyon kag paghimakas ang mga nagpartisipar nga organisasyon kag aktibista.

AB

*"Nepal," halin sa pahina 12*

ang hari kag mapaayo ang kahimtangan sa pagtukod sang malapad nga nagahiliugyong prente, nagdeklarar ang CPN (M) sang unilateral nga untat-linupok sadtong Septyembre bisan nga ginbale-wala ini sang hari. Si-ning Disyembre 1, gindeklarar sang CPN (M) ang pagpadayon pa sang untat-linupok sa isa pa ka bulan.

Sa ila kasugtanan, naghisugot ang pito ka partido sa panan-awan nga ang awtokratikong manarkiya ang pangunahon nga sablag sa pinakahandum sang tanan nga Nepali nga demokrasya, kalinungan, kabuganaan, pag-uswag sang sosyedad, kahilwayan kag soberanya. Indi mahimo nga may kalinungan, pag-uswag kag kabugaanaan sa Nepal kon indi maagum ang kalinungan kag matukod ang demokrasya paagi sa pagtapos sa awtokratikong monarkiya, siling nila. Ginasentro nila tanan ang ila pwersa batuk sa awtokratikong monarkiya agud makatuga sang bagyo sang mga demokratikong protesta sa bilog nga pungsod tubtub dalayon nga mapukan ang pagginahum ni Gyanendra.

Sa pagbuligay sang mga partido nga ini, ginlunsar sining Disyembre 2 ang pinakadaku nga demonstrasyon batuk sa hari halin sang iya kudeta sadtong Pebrero. Ginsuguran ang una nga magkasimpon nga mas daku pa nga aksyong protesta sadtong Disyembre 11.

Kadungan sang pagpakighangpanay sa iban nga mga partido, napabilin ang kahilwayan kag inisyatiba sang mga rebolusyonaryong Nepali nga magtukod sang isa ka demokratikong republika. Ang nagahiliugyong prente, siling ni Prachanda, "pang-umpisa nga koalisyon sa tunga sang masa nga nagahandum sang republika kag sang mga partido pulitikal nga nagahandum sang kalinungan... Kon ang tanan nga bahin magaabante...ang paghangpanay nga ini mahimo magpadulong pa sa isa ka pangmalawigan nga prente."

Ginhikayan sang pito ka partido ang tanyag sang hari nga magtawag sang mga lokal nga eleksyon sa Pebrero 2006 kag eleksyon pangparlamento sa 2007 nga suno sa ila mangin bogus lamang. Sa baylo, naghilisugot sila nga maghiwat sang tunay nga eleksyon pagkatapos mapukan ang hari. Sugot sila nga dumalahan sang United Nations ang nasambit nga eleksyon. Nagabukas man ang CPN (M) nga temporaryo ipaidalum ang PLA sa United Nations ukon iban pa nga porma sang pangkalibutanon nga superbisyon sa panahon sang eleksyon.

Nagpahayag sang suporta si UN Secretary General Kofi Annan sa aksyon sang mga rebolusyonaryong Nepali kag mga parlamentaryong partido. Ginsiling niya nga handa siya magbulig sa anuman nga paagi para maangkon ang malinong nga solusyon sa inaway. **AB**

SDO sa Hacienda Luisitia, dalayon nga ginbasura

GINBASURA sang Presidential Agrarian Reform Council (PARC) ang iskema nga *stock distribution* sang Hacienda Luisita Inc. sa resolusyon sini sadtong Disyembre 20. Paagi sa resolusyon nga ini, ang 4,915 ektarya nga kadutaan nga sakup sang Hacienda Luisita pagabaklon sang gubyrno kag ipaidalum sa reporma sa duta. Ang PARC ang ahensya sang reaksyonaryong gubyrno nga nagadesisyon sa mga kasong agraryo.

Ginbaliskad sang desisyon nga ini ang daan nga desisyon sang PARC nga nag-aprubar sa iskema nga SDO. Ang iskema nga ini mabaskog nga ginapamatukan sang mga mangunguma bilang isa ka mapaniplang nga iskema agud sa porma sang pagkambyo kuno sa mga sapi sang korporasyon sa duta mapabilin sa kamot sang mga agalon nga mayduta ang ila malapad nga kadutaan.

Ang desisyon nga ini bunga sang militanteng paghimakas para sa tunay nga reporma sa duta. Isa ini nga pang-umpisa nga kadalag-an para maagum ang tunay nga reporma sa duta ilabi na nga nagaaapelar kag nagalagas pa sang kunsiderasyon ang pamilya Cojuangco.

Sa idalum sang SDO, nagpanagtag ang HLI sa mga mamumugon sa uma sang tigpila ka sapi sa Central Azucarera de Tarlac (CAT) nga katumbas kuno sang duta nga dapat makadto sa ila. Pero, baliskad sa ginapabugal sang HLI-CAT, wala matilawan sang mga mamumugon sa uma ang promisa nga benepisyo nga igahatag kuno sang SDO. Wala sang ginresulta ang SDO kundi labi pa nga pagkalumos sang mga mamumugon sa uma sa kumunoy sang kaimulon kag wala paglaum nga makaangkon sang duta nga matalauma.

Tumampok ang paghimakas batuk sa SDO sang ululupod nga nagwelga ang masobra 5,000 katapu ang United Luisita Workers Union (ULWU) kag 700 katapu sang Central Azucarera de Tarlac Labor Union (CATLU) sadtong Nobyembre 2004 agud pamatukan ang sistematikong pagpang-ipit kag madamuan nga pagpahalin sa ila.

Ang welga mapintas nga ginbungkag sang mga suldado sang NOLCOM nga nagresulta sa pagpatay sang pito ka welgista kag pagkapilas sang masobra isa ka gatos pa. Nagpadayon pa pagkatapos sini ang kalakasan militar batuk sa mga mamumugon kag mamumugon sa uma sa Hacienda Luisita. Pinakaulihi sadtong nagligad nga Nobyembre ang pagpatay kay Ricardo Ramos, tagapangulo sang CATLU.

Apat ka aktibista, ginpamatay sa Central Luzon

WALA untat ang kampanya sang rehimen sang pagpamatay kag iban pa nga kalakasan batuk sa tawhanong kinamatarung. Sining ikaduha nga tunga sang Disyembre, apat ka katapu sang mga progresibong organisasyon ang ginpamatay sa Central Luzon.

Bandang 1:20 sang hapon sad-tong Disyembre 16, ginluthang si Jessie Alcantara, 46, *coordinator* sang Bayan Muna kag lider sang mga drayber sang traysikel sa San Idefonso, Bulacan. Duha ka simana antes matabo ang pagpatay, si Alcantara ginapangita sang mga suldado sa ila lugar. Ginluthang siya samtang nagamaneho sang iya traysikel.

Bandang ala-5:10 sang hapon, ginpangluthang naman sang duha ka tawo nga nakasakay sa motor-siklo sanday Barangay Captain Victorina Gomez kag Barangay Kagawad Romeo Atienza sang Parian,

Mexico, Pampanga. Nakaluwas sa pag-ambus ang upod nila nga si Barangay Kagawad Reynaldo Macabali. Ang tatlo lunsay mga katapu sang Aguman da reng Maglalautang Capampangan kag Bayan Muna. Nakahalin gid lang sang tatlo sa pulong sang baryo nga ginpatawag sang 69th IB sang Philippine Army sang pangluthangon sila. Gina-insister nila ang pagpahalain sa mga suldado nga naka-istasyon sa ila *barangay hall*.

Duha ka adlaw antes ini, ginpatay si Alfredo Manaol, Jr., 48, sa sulod sang iya balay sa Barangay Balaong, San Miguel, Bulacan sad-tong Disyembre 14. Si Manaol katapu sang Alyansa ng mga Magbubukid sa Bulacan (AMB) kag anak ni Alfredo Sr., tagapangulo sang AMB.

Nagalab-ot na subong sa 110 ang mga aktibista nga ginpamatay sa pungsod sa sulod lang sang nagligad nga 10 bulan.

Promosyon ni Palparan, ginkumpirma na

GINKUMPIRMA sang Commission on Appointments (CA) sining Disyembre 16 ang promosyon ni Gen. Jovito Palparan bilang major general sang AFP sa pihak sang malaparan nga pagpamatuk sang pumuluyo kag mga progresibong kongresista. Ginbalewala sang CA ang tuman kadamo nga kaso sang grabe nga paglapas sa tawhanong kinamatarung nga ginaatubang ni Palparan.

Ang kumpirmasyon sang promosyon ni Palparan ginabilang niya nga lisensya para magpatay pa sang mas madamo nga aktibista kag magpamintas pa sa pumuluyo. Siling niya, "Paspasan ko na ini. Dunuton naton sila." Matapos ang iya promosyon, gilayon niya nga ginmandu ang pagdestino sang mas madamo nga tropa sa mga baryo nga ginasuspetsahan ginahulagan sang BHB sa Central Luzon.

Anti-terrorism bill, ginapadali ni Arroyo

Isa ka mainit nga banggaan ang ginalauman nga magaibwal sa tunga sang rehimen US-Arroyo kag pumuluyong Pilipino sa atubang sang pagpamilit sang Malakanyang nga iduso ang pagaprubar sang Anti-Terrorism Bill (ATB). Paagi sa tampad nga suluguon sini sa manubo nga panalagan sang Kongreso, ang House Bill 4839 ukon Anti-Terrorism Bill (ATB) madasig nga ginpasar sa ikaduha nga pagbasa sang Committee on Justice kag Committee on Foreign Affairs sining Disyembre 15. Ginasaligan nga maaprubahan ini sa liwat nga pagpu-long sang komite sa maabot nga Enero 2006.

Ang ATB isa sa ginaproponer nga layi nga nagalatag sang tuman kalapad nga depinasyon sang "terorismo" kag nagahatag sa estado ang mas daku nga wala-sablag nga gahum. Tuyo nga gamiton ini sang rehimen US-Arroyo bilang instrumento nga halos katumbas na sang layi militar sa pagpugong sa mga kahilwayan sibil sang pumuluyo kag pagtap-na sa mga nagapamatuk sa iya pagginahum.

Sa pihak sang masingki nga pagpakamalaut sang pumuluyong Amerikano kag sang pumuluyo sa kalibutan, nagapakatig-a si President George W. Bush nga padayon ginapamilit ang "gera batuk sa terorismo," iya ginaduso ang pagbalay sang mga anti-teroristang layi sang mga papet nga gubyerno sini agud magserbi nga tapalan sa *superpower* nga paghinari sang US sa bilog nga kalibutan. Ginapadali ni Arroyo ang pag-aprubar sang ATB sa pihak sang malaparan nga pagpamatuk diri sang pumuluyong Pilipino. Bisan ang iban nga pungsod sa Asia indi mapilit sang gubyernong US nga magbalay sang pareho nga layi. Sa pagduso sang ATB, gusto ni Arroyo nga "palipayon" ang iya amo nga si Bush.

Ang malaparan nga pagpamatuk sang pumuluyong Pilipino sa ATB nagaduso sa Senado nga magdampig sa pumuluyo batuk diri. Suno kay Senador Joker Arroyo nga kabahin sa mga nagainsister nga magpamatuk sa ATB, indi dapat magpasugot ang Pilipinas nga mangin tandu-tando sang US.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XXXVI No. 24
Disyembre 21, 2005
www.philippinerevolution.org

Editorial

Kaptan ang inisyatiba, isulong ang armadong rebolusyon


Ginakalipay sang pumuluyong Pilipino ang pangkabilugan nga pagpagsik sang mga taktikal nga opensiba sang Bag-ong Hangaway sang Banwa (BHB). Ang pagbwelo sang armadong rebolusyon kag ginpakita sini nga ikasarang ilabi na sa nagligad nga tatlo ka bulan malakip sa pinakatampok kag mayor nga mga kadalag-an sang rebolusyonaryong kahublagan subong nga tuig.

Ang daku nga pagsulong sang rebolusyonaryo nga armadong paghimakas sa mga nagligad nga bulan resulta sang hugot nga pagsabat sang mga kumand sang BHB sa panawagan sang Partido Komunista sang Pilipinas nga kaptan ang inisyatiba kag maglunsar sang mga taktikal nga opensiba. Katuyuan sini nga patampukon ang rebolusyonaryo nga armadong pagbatu bilang sabat sa pagsulong sang militante nga hayag nga kahublagang masa para sa pagpatalsik sang rehimeng US-Arroyo kag i-abante ang inaway banwa sa masunod nga mas mataas nga halintang sa sulod sang estratehikong depensiba.

Base sa ikasarang sang nagkalin-lain nga kumand sang BHB, nakalunsar ini sang madamo nga dalagku kag magagmay nga taktikal nga opensiba nga nagtuga sang daku nga kabilugan nga kahalitan sa mga pasista nga armadong tropa kag iban pa nga malain nga elemento, ilabi na

sa mga masupog kag mabug-at nga krimen sa pumuluyo. Madaku-dako nga numero sang mga armadong tropa sang AFP kag Philippine National Police (PNP) ang napapas sa kabilugan nga mga taktikal nga opensiba nga ini. Pila ka pulo nga mabaskog nga hinganiban ang naagaw agud armasang ang mga Pulang hangaway kag pabaskugon pa ang hangaway sang banwa.

Ang nagakatabo nga pagsikad sang mga taktikal nga opensiba nagapahak sa propaganda nga pilit ilaragway sang AFP-PNP nga lipas ukon ginakapos na ang BHB. Ang pagpagsik sang armadong paghimakas



***Mga tampok sa
isyu nga ini...***

**195 taktikal nga
opensiba sa sulod sg
tatlo ka bulan** PAHINA 3

**Paglubid sg mga
sugilanon ni Garci**
PAHINA 6

**Ang "Radyo Ang
Bayan" sa Samar**
PAHINA 10

Mga instruksyon sa paglilimbag

1. Ang **sinundan nga pahina**, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.

2. Pag-imprenta sa istensil:

- a) Sa *print dialog*, i-check ang **Print as image**
- b) Kuhaon ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Siguruhon naka-set sa **100%** ang **Scaling**
- d) Padayunon ang *pag-print*

3. Ginabuyok ang mga kaupod nga ipaabot sa patnugutan sang *AB* ang anuman nga problema kaangot sa pag-imprenta paagi sang *v-type*. Magpadala sang *e-mail* sa *angbayan@yahoo.com*